

**Protocol no. 46**  
**Sezzüda da lündeschdi, 25 schner 2010, 20.00 – 22.30**

**Preschaints:** Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

**Protocol**

Il protocol no. 45 da la sezzüda dals 18 schner 2010 vain approvà.

**379 021 FABRICA**  
**Sandra e Curdin Roner – Diversas lavuors - Tuffarolas**

Il schef da fabrica orientescha al Cussagl cumünal sur dals intents da fabrica da la famiglia Roner. Il Cussagl cumünal remarcha il seguaint:

1. Ün suost per las chavras ch'id es previss sün terrain cumünal ha da gnir fat sül terrain privat daspera.
2. La saiv previssa pro l'aual ha d'avair üna distanza d'almain da 2.5 meters davent da l'aual.
3. La saiv per lung la via cumünala ha d'avair üna distanza davent da la via da 50 cm (art. 35 LF).
4. Il text da la tabla da recloma ha tenor art. 34 LF d'esser in lingua rumantscha.
5. Cur chi scrouda il contrat da fittanza han da gnir levats tuot ils fabricats.

Il Cussagl cumünal decida da dar inavant la dumonda da fabrica al Departamaint da l'Intern cullas remarchas fattas per la procedura da BAB.

**380 021 FABRICA**  
**Lutz de Aquino**

Il Cussagl cumünal decida da dar il permiss per prolungar la dumonda da fabrica da sar Lutz de Aquino per reonovar la chasa a Stron 261-261A. La prolungaziun vain concessa fin als 15 gün 2010 culla cundiziun chi gnia cumanzà fin quel termin inandret q.v.d. constructiv culla fabrica. Il fabricat ha dad esser a fin per la fin da lügl 2011.

**381 790 PLANISAZIUN DAL TERRITORI**  
**Ingrondimaint chava da glera Parnarsura**

Il schef da fabrica orientescha in detagl sur da la seguainta documainta chi vain tramissa al Chantun per far la preexaminaziun:

- Plan da situaziun (1:2000)
- Plan general da fuormaziun (1:1000)
- Rapport accumpagnatoric (proget cullas etappas)

Il Cussagl cumünal decida d'inviar al Chantun la documainta preschantada per la preexaminaziun.

**384 900.406.03 Imposta per tgnair chans**  
**Dumonda da reducziun da l'imposta da chans**

La Società chinologica fa la proposta cha'ls cumüns pudessan, per promover cha bliers possessurs/as da chans absolvan il brevet per tgnair chans, gnir incunter pro l'imposta da chans per quels possessurs da chans chi frequaintan quist cuors.

Cun quai cha la basa per inchaschar l'imposta da chans es la ledscha cumünala d'impostas chi stu vess gnir revissa, quai chi nun es da far quint bainbod, nu po il Cussagl cumünal aderir a la dumonda.

**385 740 SUNTERI E SEPULTÜRAS**  
**Reglamaint da sunteri**

La schefa da sanità orientescha al Cussagl cumünal chi detta dumondas schi nu pudess gnir installà in sunteri üna fossa cumünaivla (Gemeinschaftsgrab). Il Cussagl cumünal es da princip perinplet culla proposta. Quist nouv aspet vain tut in consideraziun in connex culla revisiun parziala dal reglamaint da sunteri.

**386 ORIENTAZIUNS**  
**Scoula**

Seguaintas persunas sun gnüdas elettas sco magister a Sent:

- Claudio Melcher e Maja Bischoff-Pool

L'actuar: